

Hagai

Gêdên jala 520 gêmun Kilisi gêmên nomnja Anôtô kêkên jaen dambê ñagêdô gêdên propete Hagai. En kejon bin tonan sa kêsêp nê buku. Lau Juda sêmu sêmên anja nê kapoacwalô ma sêngôn Jerusalem jala ñagêdô su. Mago lôm dabun ñapopoc gacgen gêc. Anôtô nê jaen kékac launên kasêga gebe sêkwê lôm dabun sa êtiam. Ma Apômtau gêjac mata gebe lau, tan sêjam tauj ôkwi e têtü selec nan, oc têtap nê gên ñajam to wama sa êndên têm ten, tan gêc nêmja nan.

Jatu gebe sêkwê lôm dabun sa êtiam

¹ Gêdên kin Darius nê gôlin ñajala kêtü luagêcña ñaajôn kêtü 6 ñabêc ñamataña Apômtaunê bin gêmên gêdên Sealtiel latu Serubabel, tan kêtü gôlinwaga Judana nan, agêc Jehosadak latu dabun sêga Josua kêsä propete Hagai awa gebe ² “Lausinj undambêña nê Apômtau kêsôm amboac tonec gebe Lau tonec sêsôm gebe “Têm takwê Apômtaunê andu sa êtiamña mên gêô lasê su atom tagen.” ’ ³ Kêtü tonanña Apômtau nê bin kêsä propete Hagai awa gebe ⁴ “Andu tonec popoc-popocgen gêc, mago amac akwê taôm nêm andu ñajam-ñajamña ñatêm mên kêsä me.” ⁵ Amboac tonan lausinj undambêña nê Apômtau kêsôm tonec gebe “Taêm ênam taôm alic acgom, amac amoa amboac ondoc. ⁶ Amac apalip ñawê taêsam,

mago ajonj ñanô ñagecgenj sa. Gêñ aninña gêc amac, mago gêôc amac tôñ atom. Amac akôc ñakwê gebe asô, mago kêjandanj amac atom. Ma lau, tanj sêjam kôm kêtú awañja nanj, sêjam kôm, mago kôm ñaôli tau gêlôm êsêac atom.

⁷ “Lausinj undambêña nêñ Apômtau kêsôm gebe Taêm ênac alic acgom, amac amoa amboac ondoc. ⁸ Galoc api lôc anamanj ma akôc ka amêñ ma akwê andu tau gebe ênac matocanô ñajam ma atoc aê sa ñapep êtiam. ⁹ Amac taêm kêka kôm ñanô kapôênj, mago gêjam tau ôkwi kêtú saunj. Amac ajonj kôm ñanô tau sa ma aê gaju sa gêjanja. Apômtau kêsôm gebe Aê gagôm tonanj kêtú asagenña. Ñam gebe ñoc andu popoc-popocgenj gêc ma amac samob ôlim palê kêsa kêtú akwê taôm nêmandu sa kêtômgenj. ¹⁰ Kêtú tonanña umbonj kêgaminj maninj ma nom kêgaminj ñanô. ¹¹ Ma aê gamôêc oc kêsêgô gamêñ to lôc ma polom to wain wakuc ma niptêkwi to gêñ samob, tanj nom kêkêñ kêpi gêmêñ nanj, ma ñamalac to bulimakao ma kôm samob tanj sêjam nanj.”

¹² Go Sealtiel latu Serubabel agêc dabunjsêga Jehosadak latu Josua ma lau ñapopoc samob tanjenj wamu Apômtau, nêñ Anôtô nê awa to propete Hagai, tanj Apômtau, nêñ Anôtô kêsakinj enj nanj, nê binj ma têtêc Apômtau. ¹³ Go Apômtaunê jaenwaga Hagai kêsôm Apômtaunê binj gêdênj lau tau gebe “Apômtau kêsôm gebe Aê gamoa gawinj amac.” ¹⁴ Ma Apômtau kêkêli Sealtiel latu gôlinwaga Serubabel agêc Jehosadak latu dabunjsêga Josua ma lau ñapopoc samob nêñ ñalêlôm ma êsêac sêmêñ sêjam kôm kêpi lausinj undambêña nêñ Apômtau,

nêñ Anôtô, nê andu ¹⁵ gêdêñ ajônñ kêtú 6 ñabêc 24.

2

Lôm dabuñ wakuc ñawasi tau ma moasiñ wakuc

¹ Gêdêñ kin Darius nê gôlinñ ñajala kêtú luagêc ñaajônñ kêtú 7 ñabêc 21 Apômtaunê binñ kêsá propete Hagai awa amboac tonec gebe ² “Galoc ôsôm êndêñ gôlinñwaga Judaña Sealtiel latu Serubabel agêc Jehosadak latu dabuñsêga Josua ma êndêñ lau ñapopoc samob amboac tonec gebe ³ Amacnêm asa gêmóa, tañ gêlic andu ñawasi gêmunña su nañ. Ma amac alic andu galocña tau amboac ondoc. O alic gêñ galocña amboac gêñ ñaôma me masi. ⁴ O Serubabel, têmtac êpa sugenñ. Dabuñsêga Josua, têmtac êpa sugenñ. Ma lau gamêñ tonecña samob, têmtac êpa sugenñ. Apômtaunê binñ tau tonec. Akôc kôm sa gebe aê gamoa gawinñ amac. Lausiñ undambêña nêñ Apômtau nê binñ tau tonec. ⁵ Aêñoc Ñalau oc êmoa amac ñalêlôm, atêc taôm atom. ⁶ Gebe lausiñ undambêña nêñ Apômtau kêsôm amboac tonec gebe Saunñenñ acgom, go aê oc jawiwic undambê to nom ma gwêc to masanñ dim tagenñenñ êwiñ. ⁷ Aê oc jawiwic tentenñlatu pebenñ gebe samob sêkôc nêñ awamataêjam sêmênñ ma aê jakênñ ñawasi andu tonecña ênam auc. Lausiñ undambêña nêñ Apômtau kêsôm binñ tonec. ⁸ Gebe silber ñatau aê ma gold ñatau aêgoc. Lausiñ undambêña nêñ Apômtau kêsôm binñ tonec. ⁹ Lôm dabuñ tonec ñawasi ñamuña oc êlêlêc gêmunña su. Lausiñ undambêña nêñ Apômtau kêsôm binñ tonec ma anña gamêñ tau tonec tec janam mec lau. Lausiñ undambêña nêñ Apômtau kêsôm binñ tonec.”

Propete kêtû kênac lau dabunwaga

10 Gêdênj Dariusnê gôlinj ñajala kêtû luagêc ñaajônj 9 ñabêc 24 Apômtaunê binj kêsa propete Hagai awa amboac tonec gebe 11 “Lausinj undambêña nêñ Apômtau kêsôm amboac tonec gebe Ôtu kênac êsêac dabunwaga gebe sêwa binj tonec sa gebe 12 ‘Ñac tenj embe ênsambanj ñamêsôm da dabunña êsêp nê ñakwê ñalêsu ma êmoasac polom me gêñ kêsôc tenj me wain me niptêkwi me gêñ amboac tonan ñagêdô ña nê ñakwê nan, oc gêñ tau êtu dabun me masi.’ ” Ma dabunwaga sêjô binj tau gebe “Masi.” 13 Go Hagai kêsôm gebe “Mago ñac tenj, tanj gêmoa gêwinj ñacmatê tenj ma gesen nê dabun su nan, embe enj êmoasac gêñ amboac tonan ñatenj nan, oc gêñ tau ñatêmui êsa e êtu da êtiam me masi.” Dabunwaga sêjô binj tau gebe “Oc selec atom.” 14 Go Hagai kêsôm gebe” Apômtau kêsôm gebe Lau tonan nêñ binj amboac tonan. Aê galic gôlôacmôkê têtôm tonan. 15 Mago galoc taêm ênam ñapep ma ajop gêñ, tanj mênêsa ênac m êndênj bêc tonec ma elom-elom êna. Gêdênj tanj adênanj poc tenj gêsac poc tenj ñaô anja Apômtaunê lôm dabun atomgenj nan, amac amoa amboac ondoc. 16 Ñac tenj gêô lasê polom ñatonj, tanj gêjac talu 20 ñawae nan, mago kêtap polom talu 10 genj sa. Tenj gêô lasê sêpip wain ñamala gebe êkôc gasuc 50, mago kêtap 20 genj sa. 17 Apômtau kêsôm gebe Aê gajac amac to nêñ gêñ kômña ña bunj to gwa ma kom poc. Gêñ samob, tanj amac ajam kôm kêpi nan, mago amac amu adênj aê amênj atom. 18 Ajop ñapep, anac m êndênj bêc tonec. Bêc tau ajônj 9 ñabêc 24. Akênj Apômtaunê lôm dabun ñanombanj gêdênj bêc tau. Ajop ñapep

gebe ¹⁹ gêñ ñawê oc ê su ança andu ajac gêñ saña me masi. Ma wain to jambô ma nip to katêkwi oc ñanômê me masi. Ocsalô aê gajac m gebe janam mec.”

Apomtau gêjac mata binj gêdêñ Serubabel

²⁰ Gêdêñ bêc 24 tonanğen Apômtaunê binj gêdêñ Hagai kêtü luagêcña amboac tonec gebe ²¹ “Ôsôm êndêñ gôliñwaga Judaña Serubabel gebe Aê gabe jawiwic undambê to nom ²² ma japô kiñnêñ lêpônê ênduc to jansenj tentenlatu nêñ gamêñ ñaclai su. Aê oc japô nêñ kareta to êsêac, tañ sêkô ñaô nañ, ênduc ma nêñ hos to lau, tañ sêñgônêñ hos ñaô nañ, sêu tañ ma sensenj tañ su sênaña. ²³ Lausiñ undambêña nêñ Apômtau kêsôm gebe Êndêñ bêc tonanğ aê oc jakôc ñoc sakiñwaga aôm Sealtiel latu Serubabel gebe jakôc aôm gebe ôtu gôliñwaga ônam aê lanğoc gebe aê kajaliñ aôm sa.” Lausiñ undambêña nêñ Apômtau kêsôm binj tonanğ.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb